

OMUKWETU

Registered at the General Post Office as a Newspaper

Etumo lyaSoomi Lya Tumbalekwa

Oshilonga shetumo shoka sha longwa kEtumo lyaSoomi muNamibia oomvula dhi vule 100. osha dhimbulukiwa ishewe nesimaneko enene kumboka ya taaguluka ongamba yu uka meni lyaAfrika.

Mombilive ndjoka ya holoka moshifo shOngeleki shomuSoomi, "Kotimaa", meme Magdalena Sjamanah, gumwe gwaafadhukipo, okwa nyola ngeyi:

"Aamwameme aaholike muKristus Jesus,

"Tse otu na ongunga yokupandula Kalunga omolwoshigwana sheni sho sha vulika koshipango shaKalunga, opo shi tume e-vangeli kevi lyokokule koshilongo shetu.

"Melaka ndika lyaJesus, tse otwa mangululwa. Otu li methimbo ndika noka eitaalo neinekelo lyomuKalunga tali pulwa. Ihe nonando pu na omaudhigu ogendji, tse otwi iuvite otse aanelago, oshoka otu na Kalunga ketu.

"Otatu nyanyukwa momaudhigu getu, oshoka Kristus okwe tu pe ashihe twa li twe shi pumbwa esiku kehe. Omuwa na gamene uupenda weni.

"Ekuno lyeni olya mene mevi lyetu nongashingeyi otu na Jesus Omuhupithi gwetu. Otandi mu kundu uunenene."

(Kotimaa 27/8/74)

A A W I L I K I Y E V I G U M B O N A T A N G O ?

Okupulakena omafaneko gehogololo taga popiwa ngashingeyi mevigumbo lyOwambo, otashi vulika oyendji ye hole uukumwe wevi lyaNamibia, ihaa kotha we kuumbanda nokomahwilili. Oshoka opompito naanaa ndjoka oondholongo mOwambo ihaadhi vulu we okufudha kowindji waantu nomapokolo komilunga haga adhika ga kanyatela koontumba dhomakuutumbilo gashazngoka to dhimbu^{ul}ilwa ino zimina na omukalohogololo gwevigumbo.

Nomumvo euvaneko lyomokana lyokwiinyenga nokupopya memanguluko uupolotika wOwambo, otali hokololwa lya tsuma, sha fa naanaa mehogololo lya zile ko 1973 moka mwa zile aapolotika ye li megeelo lyepangelo sigo onena.

Natu tumbule iinima yimwe yi li natango mondjila yehogololo lya manguluka mbyoka tayi tilitha omuntu.

1. Oveta yondjindikila yiigongi (R 17/1972), mOwambo oyi na natango omwenyo. Ndjayi Komufala, omusamane Jannie de Wet, okwa ti kutya kashi na nokuli ompumbwe oveta ndjoka yi kuthwepo (Star 9/10/74).

Omutumba gwEpangelo gweti 8/10/74 ngoka gwa koleke ku ningwe ehogololo, ngiika kape na nando oshilyo shimwe sha li sha popi ko sha koveta ndjoka. Shoka sha uvika ye shi popi osho ashike kutya oya hala ngashingeyi aawiliki "yolela", nokukoleka kutya omahogololo ihaga ningwa "aapolosi ya patelwa moondjugo."

Oveta ndjika itayi zimine ongundu nenge omuntu u ninge oshigongi manga inoo pewa eziminino kEpangelo lyOwambo. Pawino womumvo gwa zi ko (1973) oyendji oya tulwa mondholongo paveta ndjika manga oshigongi inaashi ningwa nokuli. Shoka osha yela kutya kape na nando ongundu yimweyimwe yondje yEpangelo lyOwambo, tayi ka mona uuthemba wokwiindhilikitha muule womasiku gamwe ageke ngoka ge li po, manga eti 6 Novemba 74 inaali pita. Okupula oshigwana ewi lyasho, sho shaa na uuthemba wokupopya paveta ndjoka, osho okulengitha oshigwana nokushekitha aaleli yOwambo kuuyuni. Shika hasho ashike.

2. Otaku popiwa wa mboka taa ihogololitha mEpangelo ndyoka, oyo mboka ayeke ya kala inaa pangulilwa ondholongo yomvula yimwe pwaa na eifutilomo, yo inaa uvikila sha miilonga yuukulo, yo omadhina gawo kage li miikondekitho (membo lyaamboka inaa inekeliwa kepangelo), ye ina uvikila sha paveta yuukomunisi. Aapolotika mbela yeni ye na iikaha iyelele taa vulu okulongithwa mehogololo ndyoka?

Aniwa ombili yOwambo tayi kongwa

Otakupopiwa kwa halika aawiliki yolela ya ziminwa koshigwana ashihe, opo Awambo ya mbilipalekwe (Die Suidwester 2/10/74).

Omauvaneko gaa na omukanka oga gwedhelwapo wo, kutya opo Owambo yi tamununwe, ku shurwe kongamba onkulu ya Angola ndjoka ya kanene 1886 miita yaAaputu nAakwanyama.

Osheetitha ohenda shaawiliki yuupolotika, taa kongo ombili yoshigwana mpoka yaahe li. Ngiika ndika halyo endhindhikitho, kutya Epangelo ndyoka oli na ashike okana kokulombwela, ihe kali na okutsi kwokupulakena omakemo

goshigwana? Ngele itaa tseya shono tashi etapo ombili yoshigwana, nando ye shi lombwelwa lwomayovi ogendji, hwepo ya kuumtumbe ngaa moombelewa dhawo taa hili omakaya sigo omeetaha ga dheenge. Otandi inekele otaa futwa ngaa ondjambi yawo kepangelo ngaa-shi shito, shi vule okumbembeleka aantu, kutya oyi ipyakidhila no-shigwana.

Ehogololo ndyoka sho lya li lye ekelwahi koshigwana 1973, omusimanekwa K.Ndjoka okwa tile, aantu oye li hokwa, kakele ashike koondjila

OMWENYO MOMBILA YOMUSI

Otse otwa fumvikwa pamwe naKristus meshasho omokusa kwe. Opo ngaashi Kristus a yumudhwa kuusi keadhimo lya He, osh natse wo tu na okweenda muupe wokomwenyo ...Rom.6:4

Mokulonga oshilonga shevangeli mokati kaamboka inaaye li taamba nenge mboka inaaye li uva, omu na ethiminiko lyoku shi ninga opo oshilonga sheyumuko shi gwanithwe wo nomuyo. Ihe oshilonga shevangeli mokati kaamboka ye li taamba noye li itaala, osho oku li nyanyukilwa nokwiimika iiyimati yalyo mokudhipaga omuntu omukulu esiku kehe.

Paulus ota popi mpaka efumviko neshasho, iinima mbyoka ya fa yi lyaathane kokule, ihe mbyoka kaayi shi nando okukuthwa kumwe. Aagreka mboka ya li aaleshi yombilive yaPaulus, oya kaja ye shi noyi itaala oshilongankumwe (mysterio) hashi zi meso nomeyumuko.

Omuntu opo a ninge omulongeliitsalo gwolela, okwa li e na okufumvikwa olutu aluhe moshilambo, opo ta kuthwa mo ishewe eta paluhwa niikulya yuuhonona. Oshoka otaz ti: Okwa ningi okahanona, a valululwa. Osho elongo lyaapagani Aagreka lya longo. Oyi itaala kutya mevi omuntu okwa hanganithwa nombe-po yoshikalunga noya ningi gumwe. Nopomathimbo gamwe omuvalululwa okwa galikana ngeyi: Ila mo mombepo yandje, momadhiladhilo gandje nomokukalamwenyo kwandje akuhe. U ninge ngaye, ngaye ndi ninge ngoye.

Otashi uvika ko wo nuupu nkene aakriste yetango meshasho lyawo lyaangoka a hala okuninga omulongelikalunga, omukriste, oya landula naanaa omukalo nguka. Omushashwa okwa li e na okuninginithwa metemba lyomeya, mokandama nenge momulonga.

Eshasho lyopakriste olya dhikwa kuJesus Kristus mwene, tali ningilwa medhina lye mboka yi itaala, opo ya hupithwe. Omuyapostoli mpaka ota yelitha kutya ngeke i itaala Jesus Kristus e na wo okwiitaala eso lye neyumuko. Nenge ngoka a shashwa medhina lye oye okwa sa wo pamwe naye nota kala e na omwenyo gwomeyumuko pamwe naye. Ov. 4 Nkene tashi ningwa, kape na eipulo. Osho oshilonga shoshiholekwa (mysteri). Martin Luther ota kambadhala okufatulula oshiholekwa shika:

"Eshasho lyomuKristus olyo omeya ngaashi ngoka taga longithwa mokuteleka pelugo nenge okwiiyogitha. Ihe ngoka ga kwatakanithwa noshipango shaKalunga, noombinga ndhoka mbali kadhi shi we okutopolwa pokati." Ota tsikile ngeyi: "Okushashelwa medhina lyaKalunga kaku shi okupewa eshasho kaantu, nando tali ningilwa momoho gaantu, ihe okuKalunga mwene."

Mokupopya shono tatu kanitha naashono tatu shi likola meshasho, Luther ota ti: Meshasho kehe ngoka ote etelwa posheelo, popepi naye omuti (opela) gwokuninagula eso, etagu kaleke aantu ayehe momwenyo. Oshitya, ayehe mpaka okwa dhiladhila muunona uushona mboka wa talwa kaau na eitaalo muwo wene.

Ashihe shomomuntu omukulu; ondjahi, uutondwe, efupa, okwaanuyyuki, onyalo olwiho nokwaaitaala, mbika meshasho otayi kombwa mo aluhe, opo pehala lyayo pu holoke shono shomomuntu omupe, sigo kashona nakashona tatu ningi aanalukeno, aaidhidhimiki, aanahenda shi vule shito. Kol. 3:12.

Ndhindhilika; mpaka Luther ote eta efano lyokukoka kwomuukriste. Omuyapostoli Paulus ta ti: mokutseya mbika yomuKalunga otatu shi ningi sigo twa koko Ef. 4:14-15. Meshasho omuntu ta si mo mokukalamwenyo okukulu, ye eta yumukile mokukalamwenyo okupe. 2Tim. 2:11. Momeya ota yi mo omuntu gwopayuni, eta zi mo omuntu gwaKristus. Kol.3:3 Gal.5:24. Meshasho eitaalo lyetu itali ihakana ashike okudhiladhila omwenyo gwomeyumuko lye, ihe otatu dhimbulukwa wo omahepeko ge. Eyumuko olya ningwa sho a si tango nokwa si sho a hepakwa tango. Sho shika otatu shi yamukula neitaalo lyetu muUulalelo Uuyapuki sho te tu lombwele: "Uma tamu shi ningi, shi ningeni nokudhimbulukwa ndje." (Sebulon Ekandjo)

ONGELEKI OYO ELIKO LYOMUWA

Onda pulwa olwindji epulo ndika kutya Ongeleki oshike. Oshinima shika oshinene notashi pula omafatululo omale, opo shi yele. Mpaka otandi kambadhala okugandja pafupi eyamukalo kepulo ndyoka.

Oshitya Ongeleki

Oshitya shika osho Oshigreka (kurikos). Otashi ti: Egumbo lyOmuwa nenge Eliko lyOmuwa. Oshitya shika oshi li wo mOshilatina noshi na oondunge ndhika: Oshigongi shoshilongo sha gongala omolwoshinima shontumba Iil.19:32-41; tashi ithanwa Eklesia, tashi ti: aaithanwa mo.

MEtestamendi Ekulu oshitya shika oshi na oondunge ndhika: Oshigwana shaIsrael. MEtestamendi Epe otashi holola egongalo (gemcente) ngaashi egongalo lyokOniipa Ongenga nenge Okahao. Moshitya shika omu na wo edhiladhilo ndika: Okangundu kegalikano kaamboka yi itaala Jesus Kristus oye Omuna gwaKalunga Omunamwenyo Mat. 16: 13-16. Edhiladhilo ndika kali na sha nuushona wongundu nenge nuuwindji wayo, ihe oneitaalo muJesus ngoka e li puyo. Ano ehanganano lyooitaali nenge oshigongi oshiyapuki oshaayehe; aanona, aakuluntu naagundjuka Joel 2:16 Omadhiladhilo ngaka otaga holoka olwindji mEtestamendi Epe nomEtestamendi Ekulu wo.

Moshitya Ongeleki omu na wo oondunge ndhika: K R I S T U S O M B U S H I K I Egongalo olyo omufuko. Ombushiki ota sile omufuko gwe oshimpwiyu. Kristus ota sile egongalo lye alihe kombanda yevi alihe oshimpwiyu noka li opalekela ohango, oshituthi shenyanyanyu megulu. "Naamboka ya adhika yi ilongekidha, oya yi mo pamwe naye moshituthi shohango." Mat. 25:10 Oshitya O N G E L E K I Otashi ti wo:

a) Ongu'u yokugongalela. Ongulu ya yoololelwa, ya yapulilwa Kristus -- Egumbo lyOmuwa.

b) Olutu lwaKristus muuyuni auhe pamalandulathano, palongo nenge paitaalo. Ooitaali yaKristus ayehe muuyuni nomOongeleki dhi ili nodhi ili ngaashi Aakatolika, Aayanglikani, Aakwaluther, Aametodisi nosho tuu. Ayehe kumwe otaa ithanwa Ongeleki yaKristus muuyuni auhe.

c) Omagongalo ogendji ga hangana kumwe ngaashi muELOK, omagongalo 50, otaga lukwa Ongeleki yaELOK. Omagongalo ogo iilyo, omuntu gumwe oye oshilyo nogo nenge oye wo Ongeleki, eliko lyOngeleki -- shoka shOmuwa mwene.

Ehala lyOngeleki

Ongeleki oyi li muuyuni. Egongalo li li mekondjo (strydende gemeente). Patiyali Ongeleki oyi li mevululuko -- egongalo lyaamboka ya kotha mo oonakusa (wagtende gemeente), taa tegelele ongula yeyumuko. Patitatu egongalo lyaayapuki lya thika (triomfende gemeente). Aayengeli naayapuki otaa tala aluhe oshipala she. Omahodhi oga thetwa po, oshoka Omuwa Jesus ta kala pamwe nayo aluhe.

Ehala lyOngeleki olyo ndyoka uuna ayehe ya mana ekondjo notaa ka za miilongo, momalaka nomiigwana ayihe notaa thiki pOmuwa mpaka taa kala aluhe. Elalakano lyOngeleki opo li li mpoka: Ombushiki(Omuwa)nosho Ongeleki(egongalo) omufuko ya kale pamwe aluhe.

Oshitya O N G E L E K I, otashi tu pe wo oondunge ndhika:

- 1) Ongundu yaantu ya gongala pahalo lyaKristus nomekwatathano naye.
- 2) Aantu yaKalunga ayehe mboka yi itaala Jesus Kristus.
- 3) Aantu mboka Kalunga e ya nena elalakano lyasha, ngaashi oku ya yakulitha nenge oku ya hupitha.

E F A T U L U L O L Y O N G E L E K I

Dha za kopardja 4

4) Ongeleki ongundu yaamboka ye na oshinakugwanithwa shawo ngaashi o-ku uvitha evangeli, okulonga, okupanga neyakulo kehe tali pumbiwa komuntu mukwetu. Oyo mboka oshinakugwanithwa shawo taye shi longo mekwatathano na-Kalunga kawo nokewiliko lyaJesus mOmbepo ye Ondjapuki.

5) Ongeleki oyo iilyo ayihe molutu lwaKristus, mbyoka yi li mekondjo nenge ya mana nenge ya thika nale; ayhehe oyo ongundu yaahupithwa muJesus Kristus mOmbepo Ondjapuki noya hanganithwa kombinzi yaJesus Ondjapuki yi na conkondo nondilo.

6) Ongeleki, Eklesia, otashi ti ongundu yaamboka yi ithanwa mo muuyuni, mupagani, moondjo, meso, momupya moka ya li mo noyi itaala ewi lyaJesus mOmbepo ye noku mu landula nokuvulika kuye moshinima kehe. Oshilonga wo-ongeleki noshoshilyo kehe, Ongeleki ngaashi yaELOK, egongalo kehe ngaashi lyaElim noshilyo kehe mOngeleki, omukuluntu nenge omunona, osho okulikolala Ongeleki yaKristus omwenye dhaapagani nodhaashunimonima noshilonga shika otashi longwa neulumo, oshoka Omuwa ote ya mbala. "Tala, otandi ya mbala." Ehol. 22:12.

7) Ongeleki muuyuni otayi pumbwa shili eidhidhimiko, eitaalo, einkelo nohole ethimbo kehe, uunene momathimbo omadhigu. Rom. 5:3-4 Ihe etegameno itali sithwa ohoni.

8) Ongeleki muuyuni oyo omagongalo taga kondjo shili, opo iilyo yago mbyoka olutu lwaKristus yaa ye muuyuni. Ongeleki oyo omugameni gwiilyo yayo, onke oyi na oku yi landula shaampoka tayi kala po.

9) Ongeleki ndjika yi li muuyuni, oya pewa iilongitho kuJesus mwene gwayo. OHOLE "gapee" elaka lyombili, uyelele neitaalo. "Ombili yandje otandi yi mu pe, " osho Jesus a ti kaalongwa ye mboka ye li wo Ongeleki ye.

10) Ongeleki ndjoka yi li muuyuni mekondjo manga, otayi pumbwa yi kale ya kola mokugandja ELAKA LYOHOLE nokukala onzapo yaKristus momahepeko momathimbo omadhigu. Ihe chole nelaka ndyeka li li "conkondo dhaKalunga," okuhupitha, nando oyo uugoya kuuyuni, (1 Kor. 1:18), oyo iilongitho yOngeleki ndjoka yi li mekondjo manga. "Ongeleki tayi kondjo nde tai findana," ngaashi omushangi gumwe a luku embo lye.

Ekoko lyOngeleki

Eyamukulo lyahugunina kepulo, Ongeleki oshike oyo:

a) Ongeleki oyo olutu lwaKristus lu na omwenyo notalu koko. Endhindhili-liko lyomwenyo gwayo EKOKO LYAYO.

b) Ongeleki oyo ooitaali ya hwama mokulonga oshilonga shEtumo meni lyOngeleki nopondje yayo.

c) Uudhiginini woshilyo kehe megongalo unene wacyakulingeleki, otau koleke Ongeleki.

d) Oshilonga shOngeleki yoyene, omagongalo, osho okulongekidha iilyo yomagongalo omathimbo omadhigu, ya ninge sakuluntu ya thiki kegwano lyukuluntu waKristus Ef. 4:12-14.

e) Kristus okwa hala okutaandelitha oshilongo she. "Onde ya okudhaadhiga omulilo." Luk. 12:49 ehupitho lyomungame opo li adhe sigo okoocha dhuuyuni. - Ithaneni, opo egumbo lyandje li udhe, natango omu na eha. Pehulilo otandi hiya aamwatate muKristus ayeho; omukriste kehe a dhiginine oshinakugwanithwa she: Okuhokolola Jesus muuyuni mbuka, opo ONGELEKI YI KOKO, "naamwameme ayeho ye li pamwe nangame," ngaashi Paulus ta ti. Gal.1:2

(Kl. Dumeni)

Ombili Yowambo Tayi Kongwa

dha za kemandja 2

oonde. Ye omusimanekwa de Wet moradio Owambo yeti 2/8/73, esiku etiyali lyehogololo ndyoka ta ti; Aantu inaa pila ehogololo lyopamanguluko. Nenge omusamane ota dhiladhila okwaapya mehogololo ndyoka tali ningwa kohi yoveta yeindiko lyiigongi? Ngele ongeyi, oku lit mondjila. The okuza kesiku ndyoka inatu mona shono sha ningwapo kEpangelo, okulonga aantu omikalo dhehogololo lyoludhi ndoka.

Ayihe mbika otayi siikile ehalo lyoshigwana noshili yawo kutya yo inaa pumbwa epangelo lyopamavigumbo. Shila natu pule tuu natango: Ethimbo inali thika ano natango Epangelo lya S.A. nolyowambo gu ukilile mokupopya oshili?

Ehogololo lyevigumbo kali shi oshinima shoshili. S.A. manga te li uvithile aaluudhe moshilongo, kutya olyo eputuko ewanawa, kligwana ya hangana ota kondjo Suidwes e li ninge oshitopolwa sha S.A. Manga tu uvithile aaluudhe kutya Aanama kaye na sha nAwambo, ye ota kondjo aatiligane ayehe ya hangane. NAaputu nando yaa uvitathane.

Evigumbo oshihandhila moka okatongotongo hono ka tulilwapo omuluudhe taka tendulilwa, opo omutuudhe pondje yalyo a kale aluhe kee na mpo ta lile, ta gondjo, ta lala nenge ta yile kiihwa. Okatongotongo Omuwambo otake mu ningi a kale aluhe omupika gwokondhalate nogwopaasa peke ethimbo kehe nando oku li mevalelwavi lye Namibia.

Oto langekwa moondjugo dhopakatongo, to taamba ondjambi yopakatongo, to pangwa pakatongo, to li iikulya yopakatongo, to longwa elongo lyopakatongo. Oto uthilwa ngoka u na okuhokana, mpoka u na okufumvikwa, ngoka u na okupopya naye, to uthilwa oshipundi u na okukuutumba, iilonga u na okulonga nobesa nenge eshina u na okulonda nosho tuu.

Ewi lyoye otali pulwa ano natango mehogololo ndika ngaashi we shi ningile nale, opo u koleke okukalamwenyo kwoye kwatya ngeyi sigo aluhe. Iilyo yOngeleki mOwambo, unene Ongeleki yaELOK ndjoka ya dhike nale uukumwe nOngeleki oonkwawo muNamibia, otayi pulwa yi dhiladhile ehogololo ndika muule; opo yaa ikondjithe yoyene nomatokolo gayo.

Kristus ine tu ithanena omatongolathano nando, ihe uukumwe tuu Joh.17:21

(Amushanga gwOmukwetu)

+++++

A XULIFA MUSOOMI

Jesus Omupopili

Omutumwa mukulu apa wEhanganotumo laSoomi, meme Paula Rajalinna, otwa kundana kutya okwa xulifa oweenda waye kwinya eti 13.7.1974.

Jesus okwa kondjitha oveta yokatongotongo ndjoka ya li tayi ti: Aakwiilongo itaa vulu okumona oshitopolwa sha simana moshigwana.

Nakufya Paula okwe ile lwotete metumo kuAfrika 1952. Okwa longo ounona wOvasoomi kuSwakopmund opo okwe uya kOwambo 1954, nokwa hongo meefikola detumo nOngeleki. Okwa li ependa moshilonga sheye shewiliko lofikola yOshoondaxa mOngeleki. Eshi a shuna keumbo 1970, ina mona vali omhito yoku aluka, fiyo a ya metulumuko laalushe.

Kombinga yonkalelo ndjika, Jesus okwa li u uvitha emanguluko lyokwiitaala, kutya aantu ayehe aana yaKalunga nope na uumwayinathana naantu ayehe yomuuyuni.

(Sha za mOmukuni Septemba74)

"EPANGELO LOWAMBO KALI LI PAVETA"

Omutumba wEpangelo lOwambo wopaulumomhumbwe weti 8.10.974 mOngwediva, owa shiivifa ku ningwe natango ehoololo laaveshe muJanuali wodula tqi uya. Ehoololo eli otali ka ninga oilyo yomutumba wEpangelo aishe kumwe i fike 77.

Oilyo 35 otai ulikwa komalelo oilongo iheyali, fimbo 42 tai hoololwa koshiwana. Ehoololo la dile ko 1973, oilyo 35 oyo ya ulikwa manga oilyo 21 ya hoololwa.

Oilyo 5 oyo tai ulikwa moshilongo keshe, otashi ningwa diva muKotoba 25, onakuhoololwa otave lididilikifa eti 6 Novemba 1974, opo eti 13 - 17.1. 1975 ehoololo laaveshe.

Pomhito ei otapu popiwa pu ka yandjwe emanguluko yo keengudu dikwao doupolotika ngaashi SWAPO, moshilongo ile pondje ngeenge de shi hala. Ashike ohapu tumbulwa yo cengudu edi di shikule tete omukanghaveta weduumbo nokutalwe oshk eengudu de shi longa mefimbo la tetekela.

Epitikilo opo omunhu e lihoololife moukwangudu wepangelo, ile a yandje ondaka yaye mehoololo, otali yandjwa kokulifanekifa omanyala (okamutwe). Epupi okudja peedula 18 fiyo 20, nalo paife moshikando eshi ola pitikilwa ehoololo. Nale osha li sha hovele peedula 21. Keshe umwe a wanifa eedula 26, oku na omhito yokuninga oshilyo shEpangelo, omulumenhu ile omukainhu.

Oinima ya kula ohai popiwa yo mekwatafano nehoololo eli. Osha holoka meendjovo domushamane Komufala de Web nodoilyo ikwao y Epangelo lOwambo pefimbo lomutumba, kutya oilyo tai lele paife, kai li pahalo loshiwana, inai hoololwa Eshi sha kala tashi hala okudengifa ovanhu, paife otashi hepaululwa nokEpangelo loovene.

Ohapu popiwa yo nokutya Epangelo lOwambo ola hala Owambo yomuAngola i kufwe ko, ndelene Epangelo li li po, kali na eenghono okukundafana nOvaputu, osheshi inali hoololwa koshiwana (Die Suidwester 2/10/74). Ovanandunge vahapu moshiwana ova kema oshinima eshi, notava ti, kutya elingwadjulomumwe nOvaputu otali etwa popepi.

Ngeenge enenepaleko lOwambo otali kufa yo nokoshitukulwa shaUshimbanhu, ngashi umwe a ti, kutya Oshomeva (Tsumeb) nEtosha, otai yandjwa kOwambo, (Suidwes-Afrikaner 11/10/74), eshi inashi tongwa nande kEpangelo lOwambo.

Eemhangela Dounyuni

Hamushanga wOiwana ya hangana, dr. K.Waldheim, okwa faneka ku dikwe "oradio yemanguluko" moilongo ine yaAfrika, i fatulule elalakano lOiwana ya hangana momalaka Ovanamibia. Okwa ti yo natango omapangelo 29 okwa yandja R 140,000 omolwelihango lOvanamibia. Omudo 1973 okwa yandjelwe R 57,000 koshilonga osho komapangelo 18.

Oilongo ya yandja neudo; Sweden, Amerika, Ndowishiland lokouninginino, Holland naFinland. Ofikola yelalakano eli oya tungifwa koiwana ya hangana muZambia.

(Star 25/9/74)

Oshoongalele oshititano shEengeleki

Oraata yEengeleki adishe mounyuni (WCC) otai ka ninga oshoongalele shayo shaaveshe oshititano muNairobi, Kenya omudo tau uya. Eshi osho oshikando shotete Ongonga yEengeleki adishe mounyuni tai ongala muAfrika.

Vahapu vomovawilikingeleki muAfrika ova yandja nale omadiladilo avo omolwoshiongalele eshi. Hamushanga Ndjai weengeleki adishe daAfrika, Burgess Carr okwe shi hokolola a ti: "Apa otapa ka ningwa oshoongaleleengeleki shOvayafrika, kashi shi nande shOraata yEengeleki mounyuni."

Nomadiladilo aa, Hamushanga okwa hala kutya, otashi ka ningwa pashiyafrika shoovene. Okomitiye yelongekido muKenya oye lipyakidila nale noilonga oyo.

I I P O N G A Y O M U L I L O

Epangelongeleki lya E L O K, olya holola oluhodhi lwalyo omolwaanashilonga yaali ya kanitha omagumbo moshiponga shomulilo. Egumbo lyomusitagongalo Filemon Alugongo mOthika nolyomuyevangeliste Gabriel Utoni mOniimwandi, agehe mUkwambi, oga kanene moshiponga shoka.

Meme V. Amagulu, gumwe gwaakwanegongalo yaThika, cshhiponga shegumbo lyawo okwe shi hokolola ngeyi:

Ongula yeti 27 Aguste egumbo lyomusitagongalo (egumbo lyegongalo) olya pi po thilu manga meme e li kosikola. Aanona ayeke ya adhika megumbo noya kambadhala okuhupitha eliko pakuvula kwawo.

Aakwanegongalo yomikinda thopopepi nayo wo oya kwatna. Elike olindji nooranda 42 dhositola yOmambo, oya pile mo. Ii-lya oyo ayike inayi pya.

Oshiponga osha ningwa manga omusitagongalo Alugongo a ya kUkwaluudhi omolwaakwanezimo lye yaali ya mana opndjenda hoka.

Omusitagongalo lyaMpundja, Hiskia Hafuku ngoka a adhika ti iyendele, okwe tu kwatha okudhima omulilo. Okwe tu popitha nOhapu yaKalunga. Okwe tu kwatha wo ekwatho enene oku ka tala tate Alugongo kUkwaluudhi noshihauto she omagano.

Moluhodhi lwalyo, Epangelongeleki olyu utha moshikethatamo shOngeleki mu ze iimaliwa yi ka kwathe egumbo lya tate Utoni, unene sho e li po oshilema.

Omagongalo gomoshitayingeleki shUuninginino oga kumagidhwa wo ga tale nkene taga kwatha egumbo lyegongalo lyaThika, omanga omagongalo agehe mOngeleki nenge omuntu paugumwe Epangelongeleki lye yi indila ekwatho omolwegumbo lya tate Utoni. Ekwatho ndika olya tegelelwa kOmbelewangeleki nenge kombelewa yoshitayi shoka.

Schick

AME OHANDI KU SHANGELE CINIMA EI METIMAUMBWILE, OVE U KALE U SHI SHI NHUMBI U NA OKUKALA MEUMBO LA= KALUNGA OMUNAMWENYO, OLO EONGALO.

A XULIFA OWEENDA

Meekulu Naemi Kamenye okwa xulifa oweenda waye kombada yedu muJuli 74.

Ye mwene okwa dalelwa mOndonga nokwa kala muhamba waNehale laMpingana Okwa tembukila mOkwanyama oko a ka shashelwa 1940.

Okwa fiya ko ovana vane novatekulu 43.

(Paulus Hamanjela)

+++++

KOMESHO YAAISHE ONDE MU SHIIVIFILA ESHI NDE SHI PEWA YO AME MWENE NOKUTYA KRISTUS OKWA FYA OMOLWOULUNDE OKWA PAKWA, NOKWA NYUMUKA PAMISHANGWA 1 Kor.15:3

O M U K W E T U

Oye cshifo shOngeleki onkwaevangeli palutheri yomOwambokavango. Ohashi nyangidhwa mOniipa. Omukuluntu gwoshifo omumbisofi dr. Leonard Auala. Amushanga gwoshifo Rev. Sebulon Ekandjo Ondando yoshifo komunvo muSuidwes nomu-Afrika alihe R 1,00 nokombanda yomafuta R 2,00

Oondando nomambesitelo naga tuminwe kOmukwetu, Oniipa, P/B. 2013, Ondangwa Omatseyitho agehe gomuntu mwene otaga tuminwa ofuto yago.

Owambokavango Church Press Private Bag 2013, Ondangwa, 9270, SWA